

清人詩文集總目提要

中

柯愈春 著

北京古籍出版社

清人詩文集總目提要

柯愈春 著

(中)

北京古籍出版社

目次

序言·····	戴逸 卷首		
凡例·····	卷首		
卷一 生於隆慶六年至萬曆二十三年 (1572—1595)·····	(1)	卷十七 生於康熙十年至十四年 (1671—1675)·····	(438)
卷二 生於萬曆二十四年至二十八年 (1596—1600)·····	(21)	卷十八 生於康熙十五年至十九年 (1676—1680)·····	(459)
卷三 生於萬曆二十九年至三十三年 (1601—1605)·····	(33)	卷十九 生於康熙二十年至二十四年 (1681—1685)·····	(483)
卷四 生於萬曆三十四年至三十八年 (1606—1610)·····	(54)	卷二十 生於康熙二十五年至二十九年 (1686—1690)·····	(506)
卷五 生於萬曆三十九年至四十三年 (1611—1615)·····	(75)	卷二十一 生於康熙三十年至三十四年 (1691—1695)·····	(525)
卷六 生於萬曆四十四年至泰昌元年 (1616—1620)·····	(105)	卷二十二 生於康熙三十五年至三十九年 (1696—1700)·····	(550)
卷七 生於天啓元年至五年 (1621—1625)·····	(145)	卷二十三 生於康熙四十年至四十四年 (1701—1705)·····	(572)
卷八 生於天啓六年至崇禎三年 (1626—1630)·····	(182)	卷二十四 生於康熙四十五年至四十九年 (1706—1710)·····	(600)
卷九 生於崇禎四年至八年 (1631—1635)·····	(221)	卷二十五 生於康熙五十年至五十四年 (1711—1715)·····	(622)
卷十 生於崇禎九年至十三年 (1636—1640)·····	(258)	卷二十六 生於康熙五十五年至五十九年 (1716—1720)·····	(651)
卷十一 生於崇禎十四年至順治二年 (1641—1645)·····	(290)	卷二十七 生於康熙六十年至雍正三年 (1721—1725)·····	(675)
卷十二 生於順治三年至七年 (1646—1650)·····	(314)	卷二十八 生於雍正四年至八年 (1726—1730)·····	(706)
卷十三 生於順治八年至十二年 (1651—1655)·····	(343)	卷二十九 生於雍正九年至十三年 (1731—1735)·····	(735)
卷十四 生於順治十三年至十七年 (1656—1660)·····	(367)	卷三十 生於乾隆元年至五年 (1736—1740)·····	(775)
卷十五 生於順治十八年至康熙四年 (1661—1665)·····	(391)	卷三十一 生於乾隆六年至十年 (1741—1745)·····	(808)
卷十六 生於康熙五年至九年 (1666—1670)·····	(415)	卷三十二 生於乾隆十一年至十五年 (1746—1750)·····	(843)
		卷三十三 生於乾隆十六年至二十年 (1751—1755)·····	(878)

- | | | | |
|------|---|------|---|
| 卷三十四 | 生於乾隆二十一年至二十五年
(1756—1760) …………… (923) | 卷四十八 | 生於道光六年至十年
(1826—1830) …………… (1618) |
| 卷三十五 | 生於乾隆二十六年至三十年
(1761—1765) …………… (969) | 卷四十九 | 生於道光十一年至十五年
(1831—1835) …………… (1664) |
| 卷三十六 | 生於乾隆三十一年至三十五年
(1766—1770) …………… (1014) | 卷五十 | 生於道光十六年至二十年
(1836—1840) …………… (1709) |
| 卷三十七 | 生於乾隆三十六年至四十年
(1771—1775) …………… (1058) | 卷五十一 | 生於道光二十一年至二十五年
(1841—1845) …………… (1752) |
| 卷三十八 | 生於乾隆四十一年至四十五年
(1776—1780) …………… (1103) | 卷五十二 | 生於道光二十六年至三十年
(1846—1850) …………… (1792) |
| 卷三十九 | 生於乾隆四十六年至五十年
(1781—1785) …………… (1147) | 卷五十三 | 生於咸豐元年至五年
(1851—1855) …………… (1835) |
| 卷四十 | 生於乾隆五十一年至五十五年
(1786—1790) …………… (1202) | 卷五十四 | 生於咸豐六年至十年
(1856—1860) …………… (1874) |
| 卷四十一 | 生於乾隆五十六年至六十年
(1791—1795) …………… (1258) | 卷五十五 | 生於咸豐十一年至四年
(1861—1865) …………… (1915) |
| 卷四十二 | 生於嘉慶元年至五年
(1796—1800) …………… (1312) | 卷五十六 | 生於同治五年至九年
(1866—1870) …………… (1949) |
| 卷四十三 | 生於嘉慶六年至十年
(1801—1805) …………… (1363) | 卷五十七 | 生於同治十年至光緒元年
(1871—1875) …………… (1981) |
| 卷四十四 | 生於嘉慶十一年至十五年
(1806—1810) …………… (1416) | 卷五十八 | 生於光緒二年至二十年
(1876—1894) …………… (2006) |
| 卷四十五 | 生於嘉慶十六年至二十年
(1811—1815) …………… (1459) | 附錄一 | 著者姓名索引 …………… (1) |
| 卷四十六 | 生於嘉慶二十一年至二十五年
(1816—1820) …………… (1514) | 附錄二 | 書名索引 …………… (159) |
| 卷四十七 | 生於道光元年至五年
(1821—1825) …………… (1566) | 附錄三 | 人物索引 …………… (556) |
| | | 附錄四 | 主要參考書目 …………… (716) |
| | | 後記 | …………… 卷末 |

卷三十五 生於乾隆二十六年至三十年

(1761—1765)

小嫻媛吟稿 一卷

王倩撰。倩生於乾隆二十六年(1761)，卒於道光六年(1826)。字婉紅，號秋士，浙江錢塘人。開基女，議叙鹽知事葉恕妻。此稿一卷，道光三年刻，中國國家圖書館藏。其甥趙寶雲爲之箋注。前有錢塘趙曰佩撰《王婉紅女士誄》云：“以所居室山舟梁學士曾爲書‘小嫻媛’額，並爲書自撰楹帖二，故人稱爲小嫻媛主人。”錢塘張雲璈爲撰傳，又有雙橋居士趙曰佩及張雲璈、汪應培、程瑜、女史程元妹題辭，後有道光癸未趙寶雲跋。詩多凄婉之作。

乙丙集二卷 炳燭室雜文一卷 伴月樓詩鈔三卷

江藩撰。藩生於乾隆二十六年(1761)，卒於道光十一年(1831)。字子屏，號鄭堂，晚號節甫，江蘇甘泉人。少受學於元和惠棟，吳縣余蕭客、江聲。所撰《乙丙集》二卷，稿本，有乾隆五十一年自序，中國國家圖書館藏。又《炳燭室雜文》一卷，皆賦、書、序、跋、傳誌等，多釋經之文，刻入吳縣潘祖蔭《滄喜齋叢書》及南陵徐乃昌《積學齋叢書》，南京圖書館藏。徐氏所刻較潘氏多《爾疋釋魚補義》一篇，少《節甫字說》、《私謚非禮辨》二篇。另《半甌齋題跋》二卷，潘祖蔭刻入《功順堂叢書》，南京圖書館藏。卷上爲書籍題識，卷下則碑版考證。別有《伴月樓詩鈔》三卷，清鈔本，上海圖書館藏。藩於漢學研究尤爲精深，亦善詩古文詞，阮元稱其“豪邁雄俊，卓然可觀”。

朱中丞詩文遺稿 一卷

朱理撰。理生於乾隆二十六年(1761)，卒於嘉慶二十四年(1819)。字燮臣，號靜齋，安徽涇縣人。乾隆五十二年進士，官至雲貴巡撫。

所撰《朱中丞詩文遺稿》一卷，附奏議，光緒間刻，安徽省圖書館藏。《續修四庫提要》著錄傳鈔本，《安徽藝文考》著錄光緒十五年三餘堂刻本，皆題《靜齋遺稿》，不分卷，蓋同書異名。鈔本凡詩四十四首、文七篇，其弟珩校訂，珩爲之記。《紫陽家塾詩鈔》錄詩三十一首。朱珩稱其“閱博之氣迥異山林寒儉”。惜其稿大都散佚，所存僅扈從賡和之作，皆歿後輯錄。

青來館吟稿十二卷 文一卷

沈銓撰。銓生於乾隆二十六年(1761)，卒年不詳。字師橋，一字季掌，號青來，一作青來，直隸天津人。工繪畫，善彈琴。民國《天津縣新志》卷二十三載，“著《六琴十硯山房詩》十二卷，又名《青來館吟稿》，今不傳”。西諦舊藏此集稿本七冊，內《青來館吟稿》十二卷、《文》一卷，今歸中國國家圖書館。前有己酉淳題詩。詩編年，起乾隆五十一年，止嘉慶二十三年。卷三扉葉有乾隆乙卯陳慶槐讀書題識。卷七有程振甲“丁巳大寒讀青來四弟詩題後”。卷八《黃山紀遊詩序》謂：“乾隆己酉歲遊都下，得識程音田考功振甲，成莫逆交。”庚戌年下有《三十初度》詩，庚申年下有《四十初度》詩，據此考其生年。至嘉慶二十三年，年已五十八。

莖亭詩存 無卷數

汪銜撰。銜生於乾隆二十六年(1761)，卒於道光二十一年(1841)。字本孚，號莖亭，浙江仙居人。乾隆五十四年拔貢生，嘉慶三年舉順天鄉試，由武英殿校錄授甘肅安化知縣，歷署靈臺、張掖、武威、平番知縣，擢靖寧州知州。著有《澄懷堂筆記》、《北遊記略》、《粵遊紀事》、《西城雜識》。此《莖亭詩存》，臨海葉書陸玉閣

鈔本，有“葉氏藏書”及“蔭玉閣”印，後歸臨海項士元。銜爲朱賡年弟子，文風雄放，詩筆清妙。所著惜未付梓而多散佚。

久芳居學吟 不分卷

李仁泉撰。仁泉生於乾隆二十六年（1761），卒於道光二十六年（1846）。字德量，江蘇常熟人。諸生。熟悉兩晉南北朝史。此集一冊，道光二年鈔本，後附席守芬《琴階吟草》，中國社會科學院文學研究所藏。仁泉篤於內行，勤於學問，所作治史筆記今皆不存。

方雪齋詩 一卷

何元煊撰。元煊生於乾隆二十六年（1761），卒於道光三年（1823）。原名道冲，字良卿，號硯農，又號伯用，山西靈石人。乾隆五十二年進士，授戶部郎中。乾隆五十九年、嘉慶五年兩任順天鄉試同考官。嘉慶四年充軍機章京，十年考選山東道監察御史，官至廣西太平府知府。與張問陶交遊。所撰《方雪齋詩》一卷，清刻本，中山大學圖書館藏。

平泉遺稿 十一卷

馬時芳撰。時芳生於乾隆二十六年（1761），卒於道光十七年（1837）。字誠之，號平泉，又號見吾道人，河南禹州人。乾隆四十八年副榜，授封丘教諭，遷鞏縣。所撰《平泉遺稿》十一卷，道光間刻，南京圖書館藏。別本《垂香樓詩稿》二卷，道光十四年中毓堂刻，河南省圖書館藏；《垂香樓文草》八卷、《詩稿》一卷，民國二十四年鈞陽慶怡堂刻，《販書偶記續編》著錄。《垂香樓詩稿》一卷，輯入《平泉遺書》，民國四年禹縣存古學社石印，北京大學圖書館藏。

循陔吟草鈔 一卷

袁步先撰。步先生於乾隆二十六年（1761），卒於嘉慶十四年（1809）。字天墀，號東嶠，浙江平湖人。嘉慶三年舉人，任甘肅金縣知縣。光緒《嘉興府志》卷八十一載，著《循陔吟草》二卷。此《循陔吟草鈔》一卷，朱任林輯入《當湖朋舊遺詩彙鈔》，陸氏求是齋鈔本，上海圖書館藏。

來雨軒存稿 四卷

莫晉撰。晉生於乾隆二十六年（1761），卒於道光六年（1826）。字錫三，又字裴舟，號寶

齋，浙江會稽人。乾隆六十年一甲二名進士，改庶吉士，授編修。歷官倉場侍郎，左遷內閣學士。工書法。所撰《來雨軒存稿》四卷，道光十六年刻，中國科學院圖書館藏。又光緒二十年刻，首都圖書館藏。

虛白亭詩鈔 二卷

淳穎撰。淳穎生於乾隆二十六年（1761），卒於嘉慶五年（1800）。號玉盈主人，如松第三子。滿洲旗人。初襲輔國公，乾隆四十三年封睿親王。歷任鑲紅旗滿洲都統，官至御前大臣。所撰《虛白亭詩鈔》二卷，錄詩二百餘首，多隨扈乾隆至圓明園及承德避暑山莊所作，嘉慶十年初刻，中國國家圖書館藏。後選錄百餘首，書名及卷數如舊，嘉慶二十一年刻，中國科學院圖書館藏。別本《虛白亭詩鈔》不分卷，鈔本，一冊，首都圖書館藏。《八旗藝文編目》載，所著又有《身雲室詩稿》，不傳。淳穎寫過《讀〈石頭記〉偶成》詩，稱曹雪芹“滿紙喁喁語不休，英雄血淚幾難收”。乾隆末年，《紅樓夢》在八旗子弟中傳播甚廣，影響甚深。

拜雲樓詩集六卷 青陽堂文集二卷

許作屏撰。作屏生於乾隆二十六年（1761），卒於嘉慶二十四年（1819）。字子錦，號畫山，福建侯官人。乾隆五十八年進士。所撰《拜雲樓詩集》六卷、《青陽堂文集》二卷，清鈔本，南京圖書館藏。民國《閩侯縣志》卷四十八載，著《青陽堂文集》四卷。又《青陽堂制藝》不分卷，道光四年紫藤花庵刻，山東省圖書館藏。

醉經樓存稿 六卷

黃錫蕃撰。錫蕃生於乾隆二十六年（1761），卒於咸豐元年（1851）。字晉康，號椒升，浙江海鹽人。精鑒賞，工八分，喜藏書。以布政司都事需次福建，署上杭縣典史。此《醉經樓存稿》六卷，稿本，朱葵之批及跋，南京圖書館藏。又有《金石考》、《海上竹枝詞》百首傳世。

逃禪閣集 八卷

張崑撰。崑生於乾隆二十六年（1761），卒於道光九年（1829）。字寶巖，號夕庵，一號且庵，晚號城東蟄叟，江蘇丹徒人。自坤子。工畫。與茅元輅結爲知己。此《逃禪閣集》八卷，張履序，道光間其子深刻，中國國家圖書館藏。

別本《逃禪閣集》四卷，稿本，吳式芬跋，中國科學院圖書館藏；《逃禪閣稿》不分卷，稿本，河北大學圖書館。洪亮吉《北江詩話》稱，其詩“如荷露烹茶，甘香四徹”。

茗柯文編五卷 補編二卷 外編二卷

張惠言撰。惠言生於乾隆二十六年（1761），卒於嘉慶七年（1802）。初名一鳴，字皋文，一字皋聞，號茗柯，江蘇武進人。琦兄。嘉慶四年進士，改庶吉士，授編修。治學尤長於經。古文別具一格，與惲敬共創陽湖文派。工篆隸。自訂《茗柯文初編》一卷、《二編》二卷，其子成孫輯《茗柯文三編》一卷，甥董士錫輯《茗柯文四編》一卷，阮元序，嘉慶十四年李生甫、張雲藻刻，勞權校，上海圖書館藏。山西大學圖書館藏道光十五年陳善刻本，南京圖書館藏道光間康氏刻《箋易注元室遺書》本，首都圖書館藏光緒七年刻本及宣統三年上海掃葉山房石印本。富陽周凱輯錄其文，編為《茗柯文補編》二卷、《外編》二卷，道光十四年刻，中國科學院圖書館藏。《四部叢刊》本據以上六編翻印。今存其集寫本三種：《箋易注元室文集》五卷、《茗柯詩》一卷，道光間張氏膳清稿本，張琦跋，復旦大學圖書館藏；《茗柯文稿》不分卷，稿本，上海圖書館藏；《張皋聞遺稿》一卷，稿本，莊蘊寬跋，上海圖書館藏。曾國藩序評論其文稱，“文詞溫潤，亦無考證辨駁之風”。

滇遊計程小草 一卷

陳新撰。新生於乾隆二十六年（1761），卒於道光十六年（1836）。字申華，號秋江，浙江海鹽人。乾隆六十年副貢，官湖南永新、綏寧知縣。此《滇遊計程小草》一卷，光緒二十八年刻，浙江圖書館藏。

遺經樓文稿 一卷

陳履和撰。履和生於乾隆二十六年（1761），卒於道光五年（1825）。字介存，號海樓，雲南石屏人。萬里子。乾隆四十五年與父同中舉人。選授山西太谷知縣，調浙江東陽知縣。通文字訓詁，精金石考據，工書法繪畫。師事崔述，述將死，悉出所著書付履和，為梓行於世。此《遺經樓文稿》一卷，附於《崔東壁遺書》，光緒間刻，中國國家圖書館藏。別本《海樓文集》一卷，鈔

本，民國間袁嘉穀跋，雲南省圖書館藏。

蘭臺遺稿一卷 遺稿續編一卷

彭希涑撰。希涑生於乾隆二十六年（1761），卒於乾隆五十八年（1793）。字樂園，號蘭臺，江蘇長洲人。啓豐孫，紹升從子。乾隆五十一年舉人。此二編乾隆五十九年味初堂刻，中國國家圖書館、廣東中山圖書館藏。又嘉慶二十年刻本，《販書偶記續編》著錄。又光緒二年惠州郡齋重刻本，中國國家圖書館藏。又民國九年補刻本，南京圖書館藏。

勿軒詩稿 四卷

董灼文撰。灼文生於乾隆二十六年（1761），卒於嘉慶十五年（1810）。字見三，號勿軒，雲南寧州人。諸生。道光《寧州志》載，著《勿軒詩》六卷。民國《雲南通志》卷七十六稱，劉大紳序其集，謂有詩六卷，今存《寤一草堂詩文鈔》四卷。此《勿軒詩稿》，存卷二，鈔本，一冊，雲南省圖書館藏。

春暉草堂詩存 四卷

費履堅撰。履堅生於乾隆二十六年（1761），卒年不詳。字焱夫，一字素之，號東地，江蘇泰州人。諸生。幕遊上海，晚歸課子。所撰《春暉草堂詩存》四卷，費錫申輯，同治三年刻，中國科學院圖書館、復旦大學圖書館藏。又有《倦遊草》一卷、《庚午稿》一卷，稿本，泰州市圖書館藏。

藉綠軒詩集 六卷

程贊清撰。贊清生於乾隆二十六年（1761），卒於道光十六年（1836）。原名贊寧，字定甫，號靜軒，江蘇儀徵人。名世季子。嘉慶七年進士，改庶吉士，授編修。十三年典試山東，四年後考選山東道監察御史，補吏科掌印給事中。二十一年授安徽寧池太廣道，官至貴州按察使，調山西。與秦恩復、王豫、吳椿、汪端光等交遊唱和。此《藉綠軒詩集》六卷，道光間刻，南京圖書館藏。自序云：“余自乾隆乙未學詩，至道光乙未，六十年來所作甚多，今於病中點定，得四百餘首，分為六卷。年歲之盛衰，山川之遊覽，友朋之聚散，備見於此矣。”

賜綺堂集 三十八卷

詹應甲撰。應甲生於乾隆二十六年（1761），

卒年不詳。字鱗飛，號湘亭，江蘇吳縣人。乾隆五十三年，以獻賦賜舉人。嘉慶七年任湖北天門知縣，補恩施知縣。卒年八十餘。長於戲曲。自定詩古文詞，編為《賜綺堂集》十五卷，嘉慶十年讀我書齋刻，首都圖書館藏。後輯為《賜綺堂集》二十四卷，道光三年退一步軒刻，中國科學院圖書館、山東省圖書館藏。天門馬鈞光、南漳羅夢元、黃岡張履恒、孝感王兆春、黃陂王之斌、武昌魏瑛、應城閔新策嘉慶二十四年題識稱，“合計《前集詩》十卷、《賦》一卷、《雜文》一卷、《詞》三卷、《續集詩》四卷、《詞》二卷，附以《外集詩》一卷、《詞餘》一卷，集成二十三卷”。道光三年門下生王兆春等識：“《續集》詩詞皆歸入前集中，益以新篇，釐為《詩》十六卷、《賦》一卷、《雜文》二卷、《詞》五卷，共二十四卷，為《賜綺堂全集》”晚年輯為《賜綺堂集》二十八卷，計《詩》二十卷、《賦》一卷、《文》二卷、《弦秋詞》四卷共二百八闕、《清江詞》一卷五十闕，秦瀛、鮑桂星、長麟、王芑孫序，詩編年，起乾隆五十一年，止道光七年，有像，道光八年止園刻，首都圖書館藏。有戊子門下士王兆春等識：“三次編成新舊詩一千五百餘篇，釐為二十卷，賦與文詞各依類附之，卷仍其舊，至是《賜綺堂全集》二十八卷告成，皆及身手定。其它諸外集者不在是，而先生著書猶未已也。”足本為《賜綺堂集》二十八卷、《續詩》四卷、《外編》六卷，道光間止園刻，中國國家圖書館藏。《和黃薨圃同年丕烈移家原韻》四首、《黃薨圃同年招同吳玉松太史、張子和比部小飲讀未見書齋分韻》、《哭譚蘭楣郡伯詩》等，皆記其交往；嘉慶七年作《竟陵雜詩》八首，專記湖北天門風俗民情；《秦良玉錦袍歌》諸詩，則記明末史事。《先府君壙記》稱，其母乾隆二十九年卒，時作者四歲。

石柏山房詩存 九卷

趙文楷撰。文楷生於乾隆二十六年（1761），卒於嘉慶十三年（1808）。字逸書，號介山，安徽太湖人。嘉慶元年一甲一名進士，授修撰。五年充冊封琉球國王正使。官山西雁平道四年，卒於任。所撰《石柏山房詩存》九卷，咸豐七年其子昀刻於惠潮嘉道署，中國國家圖書館、山東省

圖書館藏。前有道光九年帥承瀛序，末有其子昀跋語。卷首《經進詩》，卷一《礫存集》，卷二《于京集》，卷三《楚遊草》、《閩遊草》，卷四《遄征集》，卷五《槎上存稿》，卷六《獨秀草堂存稿》，卷七《木天近錄》，卷八《補遺》。卷五為嘉慶五年使琉球時作，經手自刪訂，生前已梓行傳世，有嘉慶二十四年受業湯金釗卷後跋語。餘皆未定之稿，其子昀等編輯。又有《海槎集》一卷，清鈔本，上海圖書館藏。此集為刻本所未收。

陶門弟子集 二十三卷

蔡家琬撰。家琬生於乾隆二十六年（1761），卒年不詳。字右峨，慕陶淵明之為人，自號陶門弟子，安徽合肥人。邦烜子。諸生。嘉道間官江西候補知縣。晚年主講江西五峰、吉安書院講席。所撰《陶門弟子集》十六卷，錄乾隆四十三年至嘉慶二十五年詩，共一千一百七十首，許喬林序，嘉慶間刻，中國國家圖書館、山東省圖書館藏。後輯為《陶門弟子續集》四卷，有道光十二年自序，道光間刻，北京師範大學圖書館藏。又輯《陶門弟子餘集》三卷，為道光十三年詩，道光十五年刻，中國國家圖書館藏。道光六年作《丙戌生日》自注：“是年六十有六。”道光十五年尚在世。

祇可軒刪餘稿 二卷

管學洛撰。學洛生於乾隆二十六年（1761），卒於嘉慶十四年（1809）。字道明，號午思，江蘇武進人。世銘子。諸生。捐資為知州。所作詩原有稿本八卷，經陸繼輅刪訂，定為《祇可軒刪餘稿》二卷，附於世銘《韞山堂集》後，南京圖書館藏嘉慶十一年刻本，常州市圖書館藏道光七年刻本，中國科學院圖書館藏同治十一年刻本及光緒二十年刻本。又有《祇可軒文集》一卷、《雜錄》六卷，同治十一年刻，《江蘇藝文志·常州卷》著錄，今存。

三秀齋詩詞鈔 三卷

鮑之芬撰。之芬生於乾隆二十六年（1761），卒於嘉慶十三年（1808）。字佩芳，又字浣雲，江蘇丹徒人。皋三女，徐彬妻。此集詩二卷，存百七十首，附試帖詩六首，又詞一卷，共二十八闕，附於徐彬《海天萍寄剩草》，光緒四年刻，

中國國家圖書館藏。又輯入《京江鮑氏三女史詩鈔合刻》，光緒八年刻，南京圖書館藏。又輯入《京江鮑氏課選樓合稿》，光緒間刻，南京圖書館藏。

存悔齋集 三十九卷

劉鳳誥撰。鳳誥生於乾隆二十六年(1761)，卒於道光十年(1830)。字承牧，一作丞牧，號金門，江西萍鄉人。乾隆五十四年一甲三名進士，授編修，擢侍讀學士。提督廣西學政，遷太常寺卿，升兵部侍郎。嘉慶十四年典浙江鄉試，以嚴酷馭士子，謫戍黑龍江，歷四年獲釋。所撰《存悔齋集》二十八卷、《外集》四卷，道光十年刻，中國科學院圖書館、復旦大學圖書館藏。又受業楊文蓀校本，石韞玉序，道光十七年刻，中國國家圖書館藏。正集計《文集》十二卷、《經進詩》二卷、《詩集》六卷、《集杜詩》三卷、《杜詩話》五卷。足本《存悔齋集》三十九卷，道光間刻，天津師範大學圖書館藏。別本二種：一為《存悔齋集鈔存》十二卷，道光二十七年刻，湖南省圖書館藏；一為《存悔齋別集》不分卷，鈔本，一冊，中國社會科學院文學研究所藏。

齋心草堂集 二卷

錢枚撰。枚生於乾隆二十六年(1761)，卒於嘉慶八年(1803)。字枚叔，號謝庵，浙江仁和人。嘉慶四年進士，授吏部主事。琦第五子。此《齋心草堂集》二卷，內詩詞各一卷，錢錫賓等輯入《湖墅錢氏家集》，光緒二十二年刻，北京大學圖書館、上海圖書館藏。龔自珍《錢吏部遺集序》謂：“枚卒且八年，遺詩始寫定，是為辛未歲。”辛未為嘉慶十六年。龔序又稱其“詩十卷，無鬻濁俚窳詭之言”，郭麐《靈芬館詩話》稱，“近始見其《齋心草堂詩》四卷、《詞》一卷，皆清氣秀骨，不隨時俗為波靡者”，則今所存僅為殘佚之稿。

松風老屋詩稿 十六卷

錢清履撰。清履生於乾隆二十六年(1761)，卒於道光十三年(1833)。字慶徵，號竹西，浙江嘉善人。以塏孫。乾隆五十九年舉人，授河南湯陰知縣，擢陝西白河同知。所撰《松風老屋詩稿》十二卷，內詩十一卷、詞一卷，嘉慶十七年

刻，中國社會科學院文學研究所、山西大學圖書館藏。後增益新作，編為《松風老屋詩稿》十六卷，錄古今體詩一千八百八十七首，附詩餘二卷，詹應甲、丁履端等題詞，道光元年刻，中國國家圖書館藏。集中有《庚辰四月六十生朝》詩，又光緒《嘉善縣志》卷十九本傳稱其卒年七十三。

仙坡詩草 二卷

丁應鑾撰。應鑾原名丕謨，字敬儀，號仙坡，雲南石屏人。乾隆五十一年舉人，官安徽青陽等縣知縣。年七十餘卒。工行草書，善畫山水花卉。此集稿本，許印芳批校，雲南省圖書館藏。錄詩近二百首，多為題畫之作，附散文、試帖。應鑾為官清廉，姚鼐贈聯稱：“三絕詩書畫，一官清慎勤”。

秋潭相國詩存 一卷

文孚撰。文孚生年不詳，卒於道光二十一年(1841)。字秋潭，姓博爾濟吉特氏，滿洲鑲黃旗人。謚文敬。安徽布政使國棟子。乾隆四十六年由監生考授內閣中書，六十年升侍讀。嘉慶間官內閣學士兼禮部侍郎，後補授山海關副都統、馬蘭鎮總兵、錦州副都統。道光十一年，以吏部尚書任協辦大學士，十五年轉文淵閣大學士。此集道光二十一年張祥河刻於大梁，中國社會科學院文學研究所藏。內收詩約七十首，所記多為歷經青海、陝西等地景觀及古迹，可供研究清代西部地區軍事及地理參考。

文豹詩集 一卷

王文泗撰。文泗字伯魯，號東山，又號榕臺，江蘇儀徵人。乾隆五十四年與試揚州。早卒。嘉慶《重修揚州府志》藝文載，著有《東山遺草》一卷。道光《重修儀徵縣志》卷四十五載，著有《東山遺詩》一卷。此《文豹詩集》一卷，清刻本，《續修四庫提要》著錄。集中多詠史之作。文泗工文詞，曾賓谷官揚州時，亟賞其才。

南遊草 一卷

王翰青撰。翰字文虎，改字鄂舟，別號鶴野詞客，浙江烏程人。諸生。嘉慶間在世。此集後附《鶴野詞》一卷，周延年輯入《萬潔齋叢刻》，稿本，《中國叢書綜錄》著錄。

虛谷集 不分卷

王應鳳撰。應鳳生年不詳，卒於道光十二年（1832）。字虛谷，貴州鎮遠人。父含章以千總隨征金川陣亡，應鳳以蔭任把總，兼襲恩騎尉世職，入鎮標效力。乾隆四十七年補本標中營把總，四十九年升千總，六十年隨征苗疆。嘉慶三年升古州鎮標左營游擊，十九年授福建建寧鎮總兵，二十三年署陸路提督，二十五年擢江南提督。此集約道光間刻，凡三冊，中國社會科學院近代史研究所藏。

煮石山房詩鈔 一卷

江臨泰撰。臨泰字棟旂，號雲樵，安徽全椒人。乾隆末諸生。道光末年已八十八，逾年卒。此集道光十九年同縣金珉刻，《安徽藝文考》著錄。安徽省博物館藏安徽通志館鈔本。

南絳集 二卷

朱謙撰。謙字地山。此集稿本，臺北中央圖書館藏。卷首題“修元齋”、“南絳集”二行。前有張玉紳嘉慶三年序，末有劉季眉嘉慶十五年題識。詩不分體，大致依年編次，起乾隆五十六年，止嘉慶九年。近年臺北據此本影印，輯入《清代稿本百種叢刊》。

六銘軒古今體詩存 不分卷

朱士純撰。純字太樸，江蘇南通州人。諸生。早卒。光緒《通州志》卷十六載，著《六銘軒存稿》。王藻輯《崇川各家詩鈔彙存》，選其《六銘軒存稿》一卷，錄詩僅七十八首，咸豐七年刻，南京圖書館藏。復旦大學圖書館藏稿本一冊，題《六銘軒古今體詩存》，不署作者姓名，當是朱士純手迹。州志謂其“善為詩，稱一時之秀”，蓋據此而言。

鑄亭山人詩鈔不分卷 詩續鈔不分卷

朱道衍撰。道衍字星海，別號鑄亭山人，山東平陰人。諸生。此二編各一冊，嘉慶間刻，青島市圖書館藏。其詩學於劉青嵐，皆有冷趣，時稱高密派中之人。

磊軒小稿一卷 補遺一卷

伍嗣興撰。嗣興字穎少，號磊軒，江蘇陽湖人。宇昭次子。此集前有乾隆五十八年張衢序，又嘉慶五年自序，又汪玉珩序。錄詩數十首，連同《餐玉詞》一卷，輯入《毗陵伍氏合集》，嘉

慶間初刻。民國二十四年伍瑛補輯刻本，增《補遺》一卷。以上首都圖書館皆有收藏。

小澗草堂集 三卷

牟願相撰。願相字喜夫，號鐵李，山東棲霞人。庭弟。諸生。所撰《小澗草堂古文集》二卷，錄文二十餘篇，分裝二冊，咸豐三年牟氏刻，山東省圖書館藏。《山東通志》卷一四五稱，“此本為其婿李某所刻”。又有《小澗草堂古今詩合刻》一卷，咸豐二年牟氏刻，山東省博物館藏。今存其集未刻本二種：一為《牟願相遺著》一冊，鈔本，北京大學圖書館藏；一為《小澗草堂詩集》一卷，稿本一冊，棲霞縣圖書館藏。

簾波閣詩鈔 一卷

吳樸撰。樸字樸莊，江蘇丹徒人。與應讓等結七子詩社。早卒。此集輯入《京江七子詩鈔》，民國七年重印，南京圖書館藏。

絕律詩輯雜編 不分卷

吳醉月撰。此集一冊，鈔本，中國科學院圖書館藏。

巢雲軒詩草二卷 越吟草一卷

范震薇撰。震薇字紫垣，以字行，浙江鄞縣人。永澄子。能文章。屢主鎮海蛟川書院、浦城南浦書院。此二編光緒十年雙雲堂刻，浙江圖書館藏。

清籟館存稿 一卷

周綵撰。綵字萊衣，號懶漁，一作萊漁，江蘇吳縣人。與鈕玉樹交善。富收藏，精隸法。此集王相輯入《友聲集》，咸豐十年刻，南京圖書館藏。

聽香館詩剩 二卷

段玉振撰。玉振字諧軒，江蘇陽湖人。與錢伯垌、許亦魯過從甚密。著《聽香館詩鈔》六卷，佚而不傳。曾孫紹襄輯其遺逸，編為《聽香館詩剩》，又名《聽香館詩續鈔》，分上下卷，光緒八年刻，廣東中山圖書館藏。別本《聽香館詩剩》一卷，光緒二十五年活字重印，常州市圖書館藏。

遠遊詩鈔 十卷

姚天健撰。天健字行軒，廣東澄海人。此《遠遊詩鈔》十卷，附《詞鈔》一卷，洪亮吉、顧汝敬評選，錄古今體詩千四十四首，洪亮吉、

唐仲冕序，顧汝敬、王惕甫、李福等跋，道光元年愛日堂刻，饒鏗等《潮州藝文志》著錄，今存。又有清鈔本，廣東中山圖書館藏。

額粉盒集 六卷

高第撰。第字雲士，號穎樓，浙江蕭山人。工書畫。所撰《額粉盒集》六卷，嘉慶十七年刻，中國社會科學院文學研究所、浙江圖書館藏。《緝雅堂詩話》謂，“所著已刻者十餘種，今得《額粉盒集》六卷，為詩續集，自題第三十四種，則散佚者多矣”。

禦寒小集十卷 續集二卷

馬李輝撰。李輝字蓉江，浙江秀水人。此集道光元年刻，北京大學圖書館藏。

竹西集 五卷

袁勳撰。勳字竹西，江蘇如皋人。此集計《竹西小稿》二卷、《雪堂詞鈔》一卷、《嶺南紀事詩》一卷、《嶺南荔枝名》一卷，道光元年刻，《販書偶記續編》著錄。

閒情集 一卷

耿維莘撰。維莘字希尹，山東新城人。此集嘉慶間自刻，山東省博物館藏。

香草軒詩存 二卷

夏蘭撰。蘭字補生，一字紅舫，號鐵翁，江蘇泰州人。震長子。諸生。精於地理。此《香草軒詩存》二卷，嘉慶間自刻，復旦大學圖書館藏。又有《香草山房春柳吟》一卷，嘉慶十六年刻巾箱本，《江蘇藝文志·揚州卷》著錄。《泰州著述考》卷四載，又著有《香草軒文存》二卷，今未見傳。民國《泰縣志》卷二十八載，著有《補甌堂詩集》，亦未見有書傳世。

簡盒詩草 二卷

倪爨撰。爨字簡盒，直隸樂亭人。上述子。嘉慶間貢生。卒年七十五。此集咸豐四年刻，《續修四庫提要》著錄。梅成棟序，錄古今體詩百餘篇。

秋生詩文稿 八卷

徐畹撰。畹字秋生，晚號秋叟，浙江鄞縣人。光緒《鄞縣志》卷五十八載，著《秋生文稿》三卷、《詩稿》五卷。今存《秋叟詩懷》四卷，道光元年雙調閣刻，中國社會科學院文學研究所藏。後輯為《秋生詩文稿》八卷，內詩稿五

卷、文稿三卷，道光五年秋樹山房刻，南京圖書館藏。

友竹居狀龍吟草 十二卷

徐廷柱撰。此編文集四卷、詩集四卷、詞集四卷，清鈔本，清徐達源批，上海圖書館藏。

似山樓稿 三卷

許孟嫻撰。孟嫻字靚宜，江蘇太倉人。常熟李春海妻。此稿前有道光十九年族弟廷誥序，季錫疇跋，計詩詞文各一卷，民國八年李士璵靜補齋鉛印，中國國家圖書館、復旦大學圖書館藏。

雙親閣詩集 八卷

郭同芸撰。同芸字書臺，號雁廬，山東濰縣人。諸生。此集又名《雙親閣雁廬詩集》，道光二十一年外孫陳象軫刻，中國科學院圖書館藏。輯詩六百七十餘首。有楊因、陳述經及侄去咎等序，末有陳象軫跋。

西野吟窩稿 一卷

黃璧撰。璧字拱圖，浙江餘姚人。諸生。此集輯入《黃氏三世詩》，光緒十五年留書種閣刻，南京圖書館藏。

環翠閣集 二卷

張介撰。介字筆芳，江蘇華亭人。蒙泉女，上海沈璧璉妻。此集計詩鈔一卷、詞鈔一卷，附於沈璧璉《文詠樓詩鈔》，嘉慶十六年刻，南京圖書館藏。

琅嬛書屋集句 六卷

張溢撰。溢字念劬，江蘇上元人。諸生。曾補輯《金陵瑣事》，道光元年刻。此《琅嬛書屋集句》六卷，民國二十四年鉛印，南京圖書館藏。

學福齋詩鈔 九卷

張之傑撰。之傑字古愚，號小陶，浙江諸暨人。受詩法於同邑郭毓，長於近體。所作先分為《搜錦》、《倚杖》、《看雲》、《省過》、《惜遲》、《鷄肋》等集。今存《搜錦集》二卷，嘉慶二年木活字印本，上海圖書館藏。後合為《學福齋詩鈔》九卷，清末鉛印本，諸暨市圖書館藏。

怡園詩稿 不分卷

陳汾撰。汾字晉陽，號墨泉，浙江蕭山人。諸生。工書畫。此集鈔本，中國科學院圖書館藏。

求定軒文存 一卷

陳樟撰。樟字豫林，江蘇清河人。工書。與同里蘇秉國、范鈞交往講學。所撰《求定軒文存》一卷，咸豐間刻，南京圖書館藏。

耕雪堂遺稿 一卷

陳濂撰。濂生年不詳，卒於道光元年（1821）。字廉水，號稻村，浙江慈谿人。此《耕雪堂遺稿》一卷，道光間活字本，中國國家圖書館藏西諦書。存詩二百八十九首。裘姚崇序稱，濂卒於辛巳。

麻田詩草八卷 補編二卷 詠史擬古樂府二卷

陳啓疇撰。啓疇字麻田，號叙齋，湖南人。所撰《麻田詩草》八卷、《補編》二卷、《詠史擬古樂府》二卷，嘉慶二十四年凸亭書屋刻，北京大學圖書館、湖南省圖書館藏。洪吉《獻花山房詩存》有其道光元年所作序。

意釣山房詩鈔 一卷

陳震省撰。震省字健齋，浙江海鹽人。此集清蕭齋匯刻本，南京圖書館藏。

鎮石齋稿 八卷

馮瑄撰。瑄字鶴渠，湖北雲夢人。庠生。攻苦積學，閉門著書。卒年八十九。所撰《鎮石齋稿》八卷，道光間刻，南京圖書館藏。又有《鎮石齋稿詩鈔》一卷，道光二十七年刻，南京圖書館藏。民國《湖北通志》卷八十八載，別有《鎮石齋續集》五卷，今未見傳。

養初堂詩集 十二卷

馮震東撰。震東字筠少，又字少渠，一作少癯，安徽滁州人。嘉慶間廩生。吳錫麒弟子。道光元年舉孝廉方正，選廣西岑縣知縣。歷署懷集、隆安等縣，擢湖北鶴峰知州，未赴卒。《安徽藝文考》載，著《養初堂詩集》十八卷。今存《養初堂詩集》十二卷，附《詞鈔》一卷，道光元年宜園刻，中國國家圖書館、山西大學圖書館藏。

日餘詩鈔 二卷

焦妙蓮撰。妙蓮為江蘇金山人。華亭陸允恭妻。所撰《日餘詩鈔》二卷，附詞一卷，嘉慶間其子陸鵬海刻，上海圖書館藏。

菡香閣詩鈔 二卷

詹瑞芝撰。瑞芝字蘭芬，浙江嚴州人。曾靜

齋妻。此集道光元年刻。又有咸豐元年重刻本，中國國家圖書館藏。

鄰洋閣詩集 十五卷

趙同珏撰。同珏字良伯，號子梁，江蘇常熟人。諸生。與席世昌、席煜、孫原湘稱虞山四才子。素有硯癖，集端溪水巖不下百方，擇其尤者品題。此集清鈔本，四冊，中國社會科學院文學研究所藏。

紀遊草 一卷

錢鏞撰。鏞字晉功，一字蕉雨，江蘇甘泉人。唐子。諸生。此集附於《重編錢教授集》，底稿本，版心下刊“勤有堂藏本”，書口偶刊“膠文麟角編”字樣，《販書偶記續編》著錄。

甌香書屋詩鈔 四卷

錢宗穎撰。宗穎字少眉，江蘇太倉人。廩生。與陸學欽、馮錦、沈端、沈清、吳本相唱和，稱溪南六子。此《甌香書屋詩鈔》四卷，乾隆六十年聽邠館刻，廣東中山圖書館藏。又嘉慶十六年刻本，復旦大學圖書館藏。又民國四年刻本，首都圖書館藏。

月村詩鈔 二卷

戴書芬撰。書芬字月村，江蘇崑山人。王景高妻。此《月村詩鈔》二卷，又名《父書樓吟稿》，胡敬序，錄詩百六十五首，道光元年刻，上海圖書館藏。

梅軒詩鈔 一卷

魏國卿撰。國卿字錫命，號梅軒，山西汾陽人。此集乾隆間刻，一冊，中國國家圖書館藏。

蓼蟲吟稿 十六卷

蘇加玉撰。加玉字維晉，號餐霞，江蘇太倉人。諸生。少從鄒以敬學詩，長遊八閩贛豫，與洪亮吉交善。此《蓼蟲吟稿》十六卷，嘉慶間刻，復旦大學圖書館、山西大學圖書館藏。

韻松樓詩集 一卷

顧慈撰。慈字昭德，江蘇金匱人。光旭女。平湖舉人張誠妻。此集道光六年其子張湘刻，上海圖書館藏。

葦江詩鈔 二卷

龔灝撰。灝字海濤，號葦江，江蘇常熟人。諸生。此《葦江詩鈔》二卷，附《補遺》一卷，道光二十年刻，中國社會科學院文學研究所藏。

又咸豐元年刻本，常熟丁祖蔭淑照堂鈔本，常熟市圖書館藏。

瑋瑋山房詩稿 八卷

王志澗撰。志澗生於乾隆二十七年（1762），卒年不詳。字千波，陝西華州人。嘉慶元年舉孝廉方正。性愛山水，南遊湖湘。著《瑋瑋山房詩稿》，嘉慶二十三年并門初刻僅四卷，廣東中山圖書館藏。至道光七年增刻，為《瑋瑋山房詩稿》四卷、《續集》四卷，附補遺一卷，中國科學院圖書館藏。自序作於道光七年，時已六十有七。顏檢、岳震川、黃憲臣、孫貽謨、顧棟林為之序。岳序謂其詩“有天授，有山川之助，二者一缺不能臻此美境”。其七言古詩，頓挫凌厲，抒發抑塞之氣，尤為時人所稱。

茗香堂集 十六卷

王家相撰。家相生於乾隆二十七年（1762），卒於道光十八年（1838）。字宗旦，號藝齋，江蘇常熟人。以拔貢生選授蕭縣教諭。嘉慶十四年成進士，官編修，遷御史。道光間擢給事中，授河南南汝光道，署河南按察使。此編計詩四卷、外集八卷、詩補遺四卷，嘉慶十七年刻，中國國家圖書館藏。法式善、吳蔚光、尤維熊為之序。正集為乾隆四十三年至嘉慶十二年詩。補遺詩不載年月。外集為文。又有《藝齋詩鈔》一卷，稿本，有吳蔚光題詞，南京圖書館藏。單學傳《海虞詩話》，謂其詩“清雅和平，無粗鄙牢騷之調”。《揚州懷古》、《秦淮竹枝詞》十二首、《燕南竹枝詞》四首等，皆記地方風物。

簣山堂詩鈔 三十一卷

王賡言撰。賡言生於乾隆二十七年（1762），卒於道光四年（1824）。字簣山，山東諸城人。乾隆六十年進士，由刑部郎中出守江西，官至常鎮通海兵備道。所撰《簣山堂詩鈔》，陸續付梓，嘉慶十六年曾煥為之序，至道光間刻竣。中國科學院圖書館藏十二卷本，北京大學圖書館藏十六卷本，中國國家圖書館藏二十一卷本，首都圖書館所藏則多至三十一卷。計有《課餘集》、《鶴廳集》、《于役集》、《扈遊集》、《還雲集》、《南遊草》、《信江集》、《信江二集》、《信江三集》、《潯陽集》、《章門集》、《雁廳集》、《雁廳二集》、《白門集》、《廬阜集》、《石城集》、《回颿集》、《南州

集》、《燕城集》、《潤州集》，每集皆有小序，自《鶴廳》至《扈遊》三集皆官京曹時作，《還雲》以下皆官外吏時著。又有《車中吟存草》二卷，嘉慶十二年茶半香初之館刻，中國國家圖書館藏。皆詠物詩，其監戶部寶泉局時，每日自寓居至公廡，往返二十餘里，車行多暇，則為詩以自適，故以是名。其詩清幽雅澹，詠物詩尤多佳句。

二娛小廬詩鈔五卷 補編一卷

尤維熊撰。維熊生於乾隆二十七年（1762），卒於嘉慶十四年（1809）。字祖望，號二娛，江蘇長洲人。乾隆五十四年拔貢生，官雲南蒙自知縣。民國《吳縣志》藝文考載其集為《二娛草廬詩鈔》三卷、《續鈔》不分卷，光緒《蘇州府志》載《二娛小廬詩詞鈔》四卷。今存《二娛小廬詩鈔》五卷，附《詞鈔》二卷，嘉慶十七年刻，中國國家圖書館藏。北京大學圖書館藏此集多《補編》一卷。集乃其友郭麐、朱春生、彭兆蓀選定，錢塘陳鴻壽為之序。《補編》則吳周鈞以所藏手迹編刊。又有《二娛小廬詩鈔》不分卷，鈔本，中國科學院圖書館藏。陳序稱，維熊官縣令後以親老引疾歸家，食不足，仍遊於幕府以給養，故“其詩詞於行役羈旅、登臨憑弔之作為尤工”。集中《擊雪詞》記其早年交遊事迹，《蒙自雜詩》則述其為縣令時見聞。其文未見有集，嘉慶六年作《蒙自燕子洞記》，以載《國朝文匯》而存世。

永思集 二卷

包仁義撰。仁義生於乾隆二十七年（1762），卒於道光三年（1823）。字廣大，浙江鎮海人。好讀書，工詩文，所交多當世知名士。此集道光間刻，青田端木國瑚為之序，南京圖書館藏。

句儉堂集 四卷

史炳撰。炳生於乾隆二十七年（1762），卒於道光十年（1830）。字恒齋，江蘇溧陽人。乾隆四十二年舉人，官咸安官官學教習。嘉慶五年期滿任興化教諭，四年後歸，終於涇縣教諭。生平喜書，與吳錫麒、戴敦元、法式善諸人遊，通曉西方算術及音韻學。拓落冷官不足展其所學，自題學署楹聯曰：“博士頭銜官百石，詩人心事厦千間。”所著《句儉堂集》四卷，詩文合璧，

中國國家圖書館藏道光二十九年蕪隱山房刻本，首都圖書館藏民國十三年鉛印本。作者品學兼優，時人謂堪繼宋實穎之後。實穎乃江蘇長洲人，亦以舉人薦試博學鴻詞，康熙間放歸後官興化教諭，有“江東獨秀”之目。

未之思軒詩草拾遺一卷 未之思軒雜著不分卷 璞存山房初稿一卷

朱錫庚撰。錫庚生於乾隆二十七年（1762）。卒年不詳。字少河，一作少白，順天大興人。朱筠次子。乾隆五十三年舉人，候選直隸州知州。嘉慶十五年被劾罷歸，不復出。道光七年年六十五。中國國家圖書館藏其集三種：一為《未之思軒詩草拾遺》一卷，咸豐七年朱庭幹鈔本，一冊；一為《未之思軒雜著》不分卷，大興朱氏椒花吟館鈔本膠卷；一為《璞存山房初稿》一卷，清刻本。家富藏書，後多散失。

靜觀齋遺詩 八卷

沈大成撰。大成生於乾隆二十七年（1762），卒於嘉慶四年（1799）。字集元，號瘦客，浙江嘉善人。諸生。歿後友人黃凱鈞輯其詩稿，編為《靜觀齋遺詩》八卷，門人黃安濤道光間刻，光緒《嘉善縣志》及《嘉興府志》著錄。《續修四庫提要》亦著錄其詩，作《靜觀齋詩集》，僅二卷，凡詩百餘首，道光十年刻。平湖胡金題評其詩，謂“清麗綿遠，不作高調”。

松蔭精舍集 四卷

李洲撰。洲生於乾隆二十七年（1762），卒於道光二年（1822）。字居來，號碧川，河南魯山人。嘉慶二十一年副貢。此《松蔭精舍集》，內文集三卷、詩集一卷，道光十八年刻，洛陽市圖書館藏。張宗泰序其文，謂其“意境綿邈，神味深長”。詩則古今體共三十七首，劉大觀序稱之“如秋巖冷峭，草木不肥，寒渚澄澈，魚龍不宿”。

喜聞過齋文集 十二卷

李文耕撰。文耕生於乾隆二十七年（1762），卒於道光十八年（1838）。字心田，一字墾石，號復齋，雲南昆明人。嘉慶七年進士，初官山東鄒平知縣。調冠縣，晉膠州知州，擢泰安府知府。調沂州府，升充沂曹濟兵備道，晉浙江鹽運使，升山東按察使。道光十年調貴州按察使，致

仕歸。此集乃門人楊勳等編，道光十九年厚永堂刻，中國科學院圖書館藏。又有光緒二十三年雲南經正書院重修本，中國國家圖書館藏。計《雜著》三卷，《尺牘》、《續跋記》、《山左文移札稿》、《黔中文移札稿》、《孝子傳》、《善善錄》、《見聞筆略》、《行述壙記》、《詩稿》各一卷，詩文皆躬行有得之語。文耕學宗朱熹，官學陸隴其，以道學服官，亦以道語入詩。

鶴舫遺詩 四卷

吳焜撰。焜生於乾隆二十七年（1762），卒年不詳。字子曜，號鶴舫，安徽歙縣人。諸生。所撰《鶴舫遺詩》四卷，嘉慶二十四年歙縣鮑氏刻，中國國家圖書館藏。前有嘉慶十六年鮑桂星序云：“得百二十篇，裒成一帙。驚彩絕艷，飄飄乎有凌雲之氣。”又有二十四年序謂：“其所為試帖，余嘗序而梓之於楚，時君佐余視楚學也。逾年別去，又逾年而卒。”詩分體。七古長詩《黃山採茶歌》記旗槍採摘情形，情趣盎然。《戊辰三月追思往事》曰：“吁嗟我生四十七。”此戊辰為嘉慶十三年。作者師事吳定，受古文法。散文遺佚不傳。

二如齋古文晉祠記 一卷

宗德懋撰。德懋生於乾隆二十七年（1762），卒於道光十七年（1837）。字牧崖，江蘇常熟人。諸生。歷官南海主簿、三水縣丞。《重修常昭合志》卷十八載，著《二如齋文集》八卷、《詩集》十六卷、《詞集》四卷。今僅存《二如齋古文晉祠記》一卷，光緒九年山西太平軍刻，常熟市圖書館藏。

晉齋詩存 八卷

昇寅撰。昇寅生於乾隆二十七年（1762），卒於道光十四年（1834）。字賓旭，一作賓初，號晉齋，氏馬佳，滿洲鑲黃旗人。乾隆五十三年拔貢，嘉慶五年舉人。嘉慶十四年，以禮部員外郎補授浙江道御史，升左都御史。歷官寧夏將軍、綏遠將軍、盛京將軍，署工部尚書。謚勤直。其子寶琳輯其所作，編為《晉齋詩存》八卷，朱為弼為之序，道光間刻，山西大學圖書館藏。內分《京華》、《紀程》、《錦里》、《皇華》、《蜀道》、《紫塞》、《閩伍》等八草，各稿原有詩數十首至百餘首，手自刪存十之二三。內《使喀

爾喀紀程草》一卷，嘉慶十八年以侍讀學士出使喀爾喀札薩克圖漢愛滿、致祭郡王職銜多羅貝勒成都札普而作，中國科學院圖書館藏道光元年思補過齋刻單行本，多於集中所收。內《皇華草》二冊，中國國家圖書館藏道光間刻單行本。別本《晉齋詩存》二卷，又名《昇勤直公詩草》，民族文化宮藏道光間稿本，首都圖書館藏咸豐四年刻本；《晉齋詩存》二卷、《味經書屋詩存》一卷、《知足知不足齋詩存》一卷，光緒二十七年刻，首都圖書館藏。作者曾任盛京副都統、正紅旗漢軍副都統、正藍旗滿洲副都統、熱河都統、鑲紅旗漢軍都統、鑲藍旗滿洲都統、正黃旗滿洲都統，其詩多涉八旗事務。塞外詩，如《戈壁道中竹枝詞》十首等，皆道前人所未道，故蔣廷思為其《使喀爾喀紀行草》撰序，稱其“多經昔人未經之地，吐昔人未吐之奇”。

小容齋詩鈔 十卷

洪占銓撰。占銓生於乾隆二十七年（1762），卒於嘉慶十七年（1812）。字鳳賓，一字輔階，又字奉階，號介亭，江西宜黃人。樹屏子。嘉慶七年進士，改庶吉士，授編修。受學於翁方綱，得彭元瑞器重，纂校實錄、文穎兩館。十五年主陝西鄉試，却金絕請，歸賦《登華圖》。宋代洪邁後裔，故題其室為小容齋。所撰《小容齋詩鈔》十卷，嘉慶二十三年刻，中國國家圖書館藏。陶樹為之序，同邑謝階樹跋，共詩六百四十餘首。《贈朝鮮金寶覃進士》、《別金秋史進士》諸詩，記中朝人士交往。

五石匏齋遺稿 二卷

胡世敦撰。世敦生於乾隆二十七年（1762），卒於咸豐三年（1853）。字兼山，安徽涇縣人。嘉慶九年舉人，官陝西淳化知縣。卒後檢拾遺稿，編為《五石匏齋遺稿》二卷，同治十一年其子文珍刻，中國國家圖書館藏。凡文三十九篇、詩百零四首。受業朱榮實跋，謂其文亞同縣朱琿、胡承琪、包世臣少許。有《雲陵詩》三十首，專記民俗風情。

紀半樵遺詩 一卷

紀大復撰。大復生於乾隆二十七年（1762），卒於道光十一年（1831）。字子初，號半樵，又號迷航外史，江蘇上海人。工隸書，善畫山水。

徐渭仁輯其詠老詩七言律十首，編為《紀半樵詩》一卷，列入《春暉堂叢書》，咸豐元年刻，中國國家圖書館藏。

半間雲詩 二卷

馬鎮撰。鎮生於乾隆二十七年（1762），卒於道光十七年（1837）。字濟于，號少白，江蘇吳縣人。工畫山水。此集蔣榮渭輯入《苔岑集》，道光三十年蔣氏味清堂刻，上海圖書館藏。錄詩百四十首。生平以畫易飲，習以為常。《五十述懷》謂，“計拙謀生却慣貧，一路落拓抱情真”。又有句謂，“共說人生當路貴，誰知從古布衣尊”。處境雖貧，而志猶未衰。

鐵如意庵詩稿 六卷

袁鴻撰。鴻生於乾隆二十七年（1762），卒年不詳。字笛生，號達堂，江蘇吳縣人。景輅次子。官福建永春州知州。此《鐵如意庵詩稿》六卷，道光六年刻，《郎園讀書志》著錄。又光緒三十年重刻本，中國國家圖書館藏。又宣統元年重刻本，《販書偶記續編》著錄。

綠意軒遺稿 不分卷

徐眉撰。眉生於乾隆二十七年（1762），卒於嘉慶元年（1796）。字六階，號壽泉，安徽桐城人。之桂長子。乾隆六十年舉人。見賞於祭酒汪廷珍、法式善。此集嘉道間其甥蘇惇元刻，《安徽藝文考》及《續修四庫提要》著錄。眉與清宗室昭榘交善，和昭榘《紅豆詞》，傳誦一時。

白鵠山房集 二十二卷

徐熊飛撰。熊飛生於乾隆二十七年（1762），卒於道光十五年（1835）。字子宣，一字涇陽，號雪廬，浙江武康人。嘉慶九年舉人，授翰林院典籍。師事秦瀛。所撰《白鵠山房詩初集》三卷、《詩選》四卷、《詩續選》二卷、《挂笠吟》一卷、《風鷗集》一卷、《駢體文鈔》二卷、《駢體文續鈔》二卷、《詩賦鈔略》二卷、《文鈔》五卷，嘉慶道光間清素堂刻，中國國家圖書館、南京圖書館、浙江圖書館藏。秦瀛、阮元、石鈞、蔡夢熊、王昶、李宗傳、王豫、王鳳生等分別為之序。

寫韻軒小稿 二卷

曹貞秀撰。貞秀生於乾隆二十七年（1762），卒年不詳。字墨琴，安徽休寧人。僑居長洲。銳

女，王芑孫妻。工書畫。道光二年書字屏，年已六十一。此集詩文各一卷，續增一卷，附於王芑孫《淵雅堂集》，王芑孫序，嘉慶九年刻，中國國家圖書館藏。

青苔館詩鈔 一卷

張學仁撰。學仁生於乾隆二十七年（1762），卒於道光二年（1822）。字冶虞，一字也愚，號寄槎，江蘇丹徒人。嘉慶十二年舉人，授安徽宣城訓導。積二十餘年之力，搜羅本郡遺稿六百五十七家，選定為《京江耆舊集》。光緒《丹徒縣志》卷三十三載，著《青苔館集》八卷。此《青苔館詩鈔》一卷，輯入《京江七子詩鈔》，道光九年刻，南京圖書館藏。

灑水草堂詩集 四卷

陳希濂撰。希濂生於乾隆二十七年（1762），卒年不詳。字秉衡，號灑水，浙江錢塘人。僑居金華。嘉慶三年舉人。工隸書。著《灑水草堂詩集》八卷。今存《東嘯詩草》一卷、《燕臺吟稿》一卷、《西湖樵歌》一卷、《懶眠集》一卷，嘉慶間刻，中國國家圖書館藏。

程月川遺集 十五卷

程含章撰。含章生於乾隆二十七年（1762），卒於道光十二年（1832）。字象坤，號月川，先世居江南，徙雲南景東，至明因避禍改姓羅，道光八年復原姓程。乾隆五十七年舉人，授廣東知縣。道光初升副都御史，薦為肇羅道，調山東兗沂曹道。巡撫廣東、山東、江西、浙江。所撰先有《嶺南集》五卷，嘉慶間刻，山西大學圖書館藏。續輯為《嶺南集》五卷、《續集》一卷，道光元年刻，中國科學院圖書館、蘇州市圖書館藏。後增為《嶺南集》七卷，道光間刻，山東省圖書館藏。晚年增為《嶺南集》七卷、《山左集》一卷、《中州集》一卷、《續集》一卷，道光間刻，中國社會科學院歷史研究所藏。民國《雲南通志》卷七十六載，“晚年并為一集，內分詩四卷、文十卷、公牘四卷，劉大紳、朱垣序，復付梓，較前刻為善。晉寧錢用中將前刻收齊序刻行世，而晚年改編刻本終未全得。《雲南叢書》將錢刻收入，亦美中之不足。”此《月川未是集》十八卷本，道光間刻，雲南省圖書館藏。所指《雲南叢書》本，為《程月川遺集》十五卷，內

《嶺南集》七卷、《山左集》一卷、《中州集》一卷、《嶺南續集》一卷、《江右集》一卷、《冬官集》一卷、《潞儲集》一卷、《之江集》一卷、《月川未是稿》一卷，民國三年刻，中國國家圖書館藏。

水西間館詩 二十卷

程虞卿撰。虞卿生於乾隆二十七年（1762），卒年不詳。字禹山，號趙人，安徽天長人。乾隆五十七年鄉試，出鐵保門，落榜。嘉慶十六年舉人，主講淮安文津書舍十六年。其集陸續付梓。嘉慶元年謁鐵保於都門，撰《燕臺旅草》四卷，嘉慶四年門人鄭禮刻，中國國家圖書館藏。四年秋從鐵保於瀋陽，作《遼海詩鈔》四卷，嘉慶初門人鄭禮刻，安徽省圖書館藏。五年秋還都，鐵保招入漕督署，著《南歸集》一卷，嘉慶七年刻，中國國家圖書館藏。越四載，主文津講席，輯所作為《淮雨剩編》一卷，嘉慶間刻。又有《雪鴻集》一卷，嘉慶九年刻，廣東中山圖書館藏。晚年自訂所作，編為《水西間館詩》二十卷，錄嘉慶元年至二十五年詩，共八百七十四首，有自序，門人許肇祁、鄭士康跋，嘉慶二十五年刻，首都圖書館、南京圖書館藏。嘉慶六年作《虞卿四十歌》，結集時年已五十有九。陳詩《皖雅初集》引王蔭槐語稱，道光五年黃流奪淮，虞卿作《復河芻言》、《籌海運議》。釋宏度《曇香精舍詩草》有其道光十五年所作序。符葆森《寄心盒詩話》謂，“余昔見先生於盛子履學博座中，白髮飄蕭，年逾七十矣，其雄宕之氣不減，詩亦淋漓悲壯，如其為人”。《安徽藝文考》載，著有《水菘間舫詩鈔》不分卷、《詞鈔》二卷，當是道光間所作。王豫評其詩，“蒼涼悲壯，如九秋哀角，三峽啼猿，令聞者摧惻”。

留師閣詩集 一卷

程際韶撰。際韶生於乾隆二十七年（1762），卒於道光元年（1821）。字夔九，一字簫庭，江蘇吳江人。嘉慶十三年進士，授甘肅清水知縣，升蘭州循化同知。光緒《蘇州府志》卷一三八載，著《留師閣集》四卷。今存《留師閣詩集》一卷，稿本，上海圖書館藏。

誠齋詩鈔 三卷

達三撰。達三生於乾隆二十七年（1762），

卒年不詳。字誠齋，姓李，隸內務府漢軍正白旗。官粵海關監督，上駟院卿。此集道光四年刻，中國國家圖書館、山西大學圖書館藏。張紹先《真一酒》有其道光五年所作序。那興阿《山左皇華集》有其道光十一年手書序，時年七十。

聲玉山齋詩集 十卷

鄒熊撰。熊生於乾隆二十七年（1762），卒於道光元年（1821）。字耳山，江蘇泰州人。監生。此《聲玉山齋詩集》十卷，董兆蘭序，嘉慶十五年刻，中國科學院圖書館、復旦大學圖書館藏。又有道光間鄒彥賓補刻本，民國十三年裔孫鄒航甫補修本，《江蘇藝文志·揚州卷》著錄，今存。王豫《群雅集》輯入所作，謂其詩“清峻雄邁”。

自娛草 二卷

趙念祖撰。念祖生於乾隆二十七年（1762），卒於道光十二年（1832）。字乃繩，號筠齋，又號瓠生，晚號處休老人，江蘇丹徒人。嘉慶十二年舉人，官新陽訓導，改青浦、常熟教諭。此《自娛草》二卷，道光十九年枕淶軒刻，中國國家圖書館藏。前有道光十年瓠生老人自序。末有《七十自述》詩。詩平平，自記身世而已。

未學堂集 八卷

鮑份撰。份生於乾隆二十七年（1762），卒於嘉慶二十一年（1816）。字叔冶，江蘇常熟人。偉弟。嘉慶十五年歲貢生。熟於《文苑英華》、《太平御覽》。工篆隸楷書。此集受業邵淵懿、歸令憲編次，計文二卷、詩四卷、詞二卷，道光十八年刻，上海圖書館藏。前有嘉慶二十二年江都史致儼序，道光十八年王家相序，道光十六年陶貴鑑跋。詩文起乾隆四十三年，止嘉慶十七年。乾隆四十九年作《甲辰元旦》稱，“今我二十三”。道光十七年甥邵耀謹序，謂作者沒已二十有一年。常熟市圖書館藏本，末有朱筆題識云：“鮑君兄弟均以詩文名，而叔冶尤最，詞次之，賦與文則卑卑不足道矣。因其鄉先輩，故購之。辛丑秋石友記。”

龍山殘稿 一卷

劉玉湛撰。玉湛生於乾隆二十七年（1762），卒於嘉慶二十二年（1817）。字露亭，號輝山，雲南蒙化人。嘉慶元年進士，官至刑部員外郎。

獄囚饋金求脫羈押，玉湛曰：“天下豈有受金劉輝山哉！”將擢御史，未授而卒，年五十五歲。此集鈔本，有袁嘉（谷）題識，雲南省圖書館藏。

尚綱堂集 五十八卷

劉嗣綰撰。嗣綰生於乾隆二十七年（1762），卒於嘉慶二十五年（1820）。字簡之，一字柬之，又字醇甫，號芙初，別號櫻寧子，江蘇陽湖人。汝器子。嘉慶十三年一甲一名進士，改庶吉士，授編修。歸主無錫東林書院。所著先有《尚綱堂詩集》五十六卷，嘉慶十三年刻，湖南省圖書館藏。後輯為《尚綱堂集》五十四卷，內《詩集》五十卷、《文集》二卷、《駢文》二卷，嘉慶間刻，中國國家圖書館藏西諦書。卒後其子延和重輯，編為《尚綱堂詩集》五十二卷、《箏船詞》二卷、《駢文》二卷，道光六年大樹園刻，中國科學院圖書館、湖南省圖書館藏。別本《尚綱堂詩集》五十二卷、《箏船詞》二卷、《駢體文集》二卷、《律賦》一卷、《試帖》二卷、《制藝》不分卷，同治八年重刻，中國國家圖書館、南京圖書館藏。詩自乾隆三十八年迄嘉慶二十五年，共二千七百三十八首。法式善序謂，其詩“如水銀瀉地，天馬行空”。

玉山草堂集 三十六卷

錢林撰。林生於乾隆二十七年（1762），卒於道光八年（1828）。初名福林，字東生，一字志枚，號金粟，又號叔雅，浙江仁和人。琦第四子。嘉慶十三年進士，改庶吉士，授編修。二十四年典四川鄉試，官至侍讀學士。長於天文地理。其集凡四刻：卒後輯為《玉山草堂詩集》三十卷，門人程恩澤序，汪喜孫撰墓表，詩編年，自乾隆四十二年迄嘉慶二十四年，共二千二百三十二首，道光十五年刻，中國國家圖書館、南京圖書館藏；別本《玉山草堂詩集》十二卷，道光十七年其子廷焄刻，中國國家圖書館藏；輯其散佚詩，編為《玉山草堂續集》六卷，輯入《粵雅堂叢書》，道光二十九年伍崇曜跋，首都圖書館藏；又有《玉山草堂集》三十二卷，錢錫賓等輯入《湖墅錢氏家集》，光緒二十二年刻，北京大學圖書館、上海圖書館藏。光緒《杭州府志》卷一一三載，著有《玉山草堂文集》九卷，今未見